



Akademia is 'n Christelike, klassieke en onafhanklike hoërondewysinstelling wat verbind is tot die uitnemende opleiding en vorming van studente vanuit en vir Afrikaanse taal- en kultuurgemeenskappe. Akademia het op die Pretoria-kampus 'n voltydse pos vir 'n dosent in die BSc (Rekenaarwetenskappe)-program in die Fakulteit Natuurwetenskappe beskikbaar.

## POSDOELSTELLING

'n Dosent is daarvoor verantwoordelik om hoëgehalteonderrig aan studente te bied deur innoverende klasaanbiedings en leerervarings. Die pos vereis dat akademiese take, navorsing en innovering asook akademiese gemeenskapdeelname ywerig verrig word. Die vorming van studente tot goedgevormde mense word hoog op prys gestel. 'n Dosent streef daarna om as leier in 'n vakgebied erken te word en streef verdieping in alle klasaanbiedinge na.

## VERANTWOORDELIKHED E

- Voorbereiding en dosering van die moduleinhoud
- Kurrikulumontwikkeling
- Navorsing op vakgebied ter ondersteuning van onderrig en leer, en professionele ontwikkeling
- Opstel van assesseringsaktiwiteite in 'n kontakteeromgewing
- Akademiese gemeenskapsdeelname
- Lewering van bystand en akademiese ondersteuning aan studente

## POSVEREISTES

- 'n Meestersgraad in Rekenaarwetenskappe (kandidate met 'n honneursgraad en ervaring in onderrig of opleiding sal ook oorweeg word)
- Kundigheid en ervaring in die spesialisareas van datawetenskappe en/of sagteware-ontwikkeling
- Kennis van een of meer rekenaartale
- Gebruik van databasisse
- Kennis van rekenaar-argitektuur en bedryfstelsels
- Ervaring in versnitte leer (blended learning)
- Blootstelling aan en vorige gebruik van onderwysmedia

## VAARDIGHEDE

- Sterk verbale en geskrewe kommunikasievaardighede
- Interpersoonlike vaardighede
- Prioritiserings- en tydsbestuursvaardighede
- Onafhanklik in 'n spanverband funksioneer
- Inisiatief kan neem en oplossingsgedrewe wees
- Beskik oor vermoë om werk onder druk te voltooi
- 'n Liefde vir Afrikaans hê
- 'n Ambassadeur vir Akademia wees deur te help om die instelling uit te bou

Klik [hier](#) om vir die pos aansoek te doen. Slegs Afrikaanse CV's sal aanvaar word. **Aansoeke moet voor of op 15 Julie 2026** ingedien word. Stuur 'n e-pos met jou Afrikaanse CV na [yakanteposte@akademia.ac.za](mailto:yakanteposte@akademia.ac.za) indien jy probleme met die skakel ervaar.